

Theologen / ihre Christliche bedencken dar-
von an tag gegeben / Sondern auch die drey
Fürste von Anhalt / Fürst Wolfgang / Fürst
Joachim / vnd Fürst Carolus / Desgleichen
Georg Ernst / Fürst vnd Graffe zu Hennen-
berg / die Kämmerer vnd Rath zu Regen-
spurg / vnd andere Stände / eine bessere / deut-
lichere vnd wichtigere Erklerung erfordert /
vnd dargegen sich vber diesen vndeutlichen
Abschied beschweret.

So haben auch die Christlichen Chur-
Fürsten / Fürsten vnd Stände / der reinen vn-
verfälschten Augspurgischen Confession zu-
gerhan / in der Vorrede vber das Buch der
Concordien / sich gnugsam erkleret / Das sie
bemelten Franckfurtischen Abschied keines
wegs dahin verstanden haben / wie ihnen die
Calvinisten andeuten / als solten sie hiemit
die Calvinische Lehr approbirt / vnd der Aug-
spurgischen Confession gemess seyn / erachtet
haben.

Der Fränk-
furtische
Abschied
referirt
sich auf
die erste
vngedeer-
te Augsp.
Confess.

Zu dem so ist auch kund vnd offenbar /
das eben in diesem Franckfurtische Abschied /
die Christliche Chur : vnd Fürsten bezeugen :
Sie allein der reinen waren Lehr / so in
Göttlicher / Prophetischer vnd Apo-
stoli-